

WATERTOREN A BIRA BASHI ATROBE

ORANJESTAD(AAN):For di ayera merdia tempran te cu ayera anochi laat, varios sector di Playa y vecindario a keda sin awa un biaha mas.

Masha reclamo a keda dreña na DIARIO ayera di hendenan cu a keda perhudica cu esaki.

E reclamonan tabata mas bien tambe indicando cu a bira tempo pa percura pa otro sistema di distribucion pa Playa y Vecindario ya cu ta aña aden aña afo tin e problema aki, y e ultimo dos añanan casi semanalmente por spera entre un pa 3 biaha pa siman cu no tin awa for di merdia.

Segun tur esnan cu a reclama, na WEB ta duna como motibo " e disco raya" di ultimo añanan di cu "no tin awa den Watertoren" of "presion ta abao den watertoren".

Hopi reclamo tambe tabata relaciona cu e gasto grandi cu e habitantenan tin despues ora cu awa bin y cu esaki ta sushi y cu ta cantidad di hemchi di awa ta bay tira afo pero fin di luna tur esaki ta musta riba nan cuenta cu nan mester paga toch.

Hopi ta spera cu awe y diasabra nan lo ta sin awa atrope ya cu ta custumber a bira cu riba diabierna y diasabra no tin awa y tin ora henter dia.

Tin varios cu a aga sa cu nan lo haci viaje pa Venezuela pa cumpra e tankinan rondo pa instala na nan cas pasobra nan ta fada di e situacion aki na

Aruba cu continuamente no tin awa y ta haya riba dje tur sorto di excusa, mientras cu paso no ta ser tuma di parti di WEB ni gobernantenan pa drecha e situacion.